



Na osnovu člana 2.9 stav (1) tačka 11, člana 5.22 stav (2) i člana 5.25 stav (1) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), a u vezi člana 62. Pravilnika o provođenju izbora u Bosni i Hercegovine ("Službeni glasnik BiH", br. 25/20, 38/20, 63/20 i 70/20), Centralna izborna komisija Bosne i Hercegovine je na 90. sjednici održanoj 27.11.2020. godine d o n i j e l a

N A R E D B U

(1) Nalaže se Glavnom centru za brojanje da izvrši brojanje glasačkih listića i utvrdi rezultate izbora sa redovnih biračkih mjesta, kako slijedi:

- a) u osnovnoj izbornoj jedinici Gradačac na biračkim mjestima 025A002 i 025A005B po političkim subjektima i kandidatima za Gradsko vijeće Gradačac,
- b) u osnovnoj izbornoj jedinici Sanski Most na biračkom mjestu 032A022B po političkim subjektima i kandidatima za Općinsko vijeće Sanski Most,
- c) u izbornoj jedinici Novi Travnik na biračkom mjestu 111A003 po političkim subjektima i kandidatima za Općinsko vijeće Novi Travnik,
- d) u izbornoj jedinici Ilijaš na biračkom mjestu 118A015 po političkim subjektima i kandidatima za Općinsko vijeće Ilijaš,
- e) u osnovnoj izbornoj jedinici Istočni Drvar na biračkom mjestu 058B001 po političkim subjektima i kandidatima za Skupštinu općine Istočni Drvar,
- f) u osnovnoj izbornoj jedinici Vukosavlje na biračkom mjestu 018B000 – LIČNO
- g) osnovnoj izbornoj jedinici Gornji Vakuf – Uskoplje na biračkom mjestu 110A000 - LIČNO

(2) Brojanje i utvrđivanje rezultata izbora iz stava (1) ove naredbe izvršit će se dana 28.11.2020. godine u 15,00 sati u Glavnom centru za brojanje u Zetri, Sarajevo.

(3) Brojanje i utvrđivanje rezultata izbora iz stava (1) izvršiti u skladu sa odredbama Pravilnika o provođenju izbora u Bosni i Hercegovini i Pravilnika o organizaciji rada i utvrđivanju rezultata glasanja u Glavnom centru za brojanje za Lokalne izbore 2020. godine.

(4) Nakon izvršenog brojanja i utvrđivanja rezultata izbora iz stava (1) ove naredbe, Glavni centar za brojanje će unijeti utvrđene izborne rezultate u aplikaciju JIIS.

(5) Akreditovani posmatrači za navedena biračka mjesta političkih subjekata koji se pojavljuju na glasačkom listiću za koji se vrši brojanje i utvrđivanje rezultata izbora, mogu biti prisutni u toku brojanja kao i akreditovani posmatrači za Glavni centar za brojanje.

O b r a z l o ž e n j e

Glavni kontrolor za obradu, unos i potvrdu rezultata glasanja za Lokalne izbore 2020. godine podnio je Centralnoj izbornoj komisiji BiH izvještaj o utvrđenim nepravilnostima prilikom objedinjavanja izbornih rezultata za Lokalne izbore 2020. godine, iz kojih razloga predlaže brojanje glasačkih listića za određene nivoe vlasti, u pojedinim osnovnim izbornim jedinicama i na određenim biračkim mjestima.

Uprava Glavnog centra za brojanje podnijela je Centralnoj izbornoj komisiji BiH izvještaj u kojem se navodi da je u Glavni centar za brojanje dostavljen materijal za dva biračka mjesta 110A000 i 018B000 za koja nisu utvrđeni rezultati glasanja.

Imajući u vidu naprijed navedeno, a u interesu zaštite izbornog prava i da bi Centralna izborna komisija BiH utvrdila izborne rezultate Lokalnih izbora 2020. godine, a na osnovu činjenica koje opravdavaju ponovno brojanje naredila je brojanje glasačkih listića u cilju objedinjavanja izbornih rezultata na nivou osnovne izborne jedinice.

Pravna pouka: Protiv ove naredbe nije dozvoljena posebna žalba.

Broj: 05-1-07-11-1934-2/20
Sarajevo, 27.11.2020. godine



Dostavljeno:

- Glavnom centru za brojanje
- Akreditovanim posmatračima putem političkih subjekata
- Skladište Centralne izborne komisije BiH
- a/a